

A E resurekshon di Hesus.

❖ E resurekshon tabata un evento históriko? (1 Korintionan 15:1-11)

- Promé di a dirigí palabra di e dudanan ku e Korintionan tabatin tokante di e resurekshon, Pablo ta rekòrdá nan kon e evangelio ta funkshoná (1 Kor. 15:1-2): E ta wòrdu prediká=> E ta wòrdu risibí => Unu ta perseverá den esaki=> Salbashon ta wòrdu lográ.
- Y kiko ta e evangelio ku ta wòrdu prediká? (1 Kor. 15:3-4): Kristu a muri pa nos pikánan => Kristu a wòrdu derá => Kristu a lanta atrobe riba e di tres dia.
- Y kon nos ta sa ku e resurekshon tabata un evento históriko? Ken a mira e Hesus resusitá? (1 Kor. 15:5-8): Pedro i e Diesdos nan=> Mas ku 500 rumannan => Santiago i e apòstelnan => Pablo “ e abortivo”.
- Pablo ta hasi esaki kla ku e evangelio ta Dios Su trabou kumplí “ segun e Skrituranan.” Esei ta, esaki ta un plan preordená den kual e resurekshon ta hunga un ròl fundamental. Tin kualke hende ku tin algun duda? Laga nan puntra e testigunan kende ainda tabata bibu na e tempu ei!

B E konsekuensianan di Hesus Su resurekshon.

❖ Kiko si Kristu no a lanta for di morto? (1 Korintionan 15:12-19)

- Nengando e posibilidat di e resurekshon ta krea un inkonsistensia ku e fe Kristian, pasombra “ si no tin ningun resurekshon di e morto, anto Kristu no a wòrdu lantá” (1 Korintionan 15:12-13). Y si Hesus no a lanta...
 - (1) E predikamentu di e evangelio ta bano [bashí di nifikashon] (1 Kor. 15:14a)
 - (2) Nos fe ta bano [bashí di nifikashon] (1 Kor. 15:14b) [inútil] (1 Kor. 15:17a)
 - (3) Nos ta testigunan falsu (1 Kor. 15:15)
 - (4) Ainda nos ta den nos pikánan (1 Kor. 15:17b)
 - (5) Esnan kende a muri nunca lo bolbe bèk na bida (1 Korintionan 15:18)
- Sin e resurekshon, Hesus ta solamente un hòmber hustu matá sin un kousa, pero inkapas di salba. “ Pero awor Kristu ta lantá for di morto ” (1 Korintionan 15:20a) . Nos tin un Salvador BIBU.
- Pa e motibu aki, e evangelio tin sentido; asina nos fe ta; nos ta testigunan fiel; nos pikánan ta pordoná; i e morto den Kristu lo biba atrobe.

❖ Kiko ta garantisá e resurekshon? (1 Korintionan 15:20-34)

- E promé echo ku a wòrdu garantisá dor di e resurekshon di Hesus ta ku esnan di nos kende a aseptá e plan di salbashon – for di Adam te na e fin di e mundu – si nos muri, nos lo biba atrobe (1 Kor. 15:20-23).
- Kiko lo sosodé despues di nos resurekshon? Dor di derota morto, Hesus lo a konkistá tur Su enemigunan (1 Kor. 15:25-26). E ora ei, Hesus lo someté tur kos na e Tata, asina “ ku Dios lo por ta tur den tur ” (1 Kor. 15:24, 28).
- Den adition na e futuro garantianan aki, Pablo ta duna nos dos garantianan ku ta afektá nos bida diario:
 - (1) Ta di balor pa prediká e evangelio, asta si esaki ta envolví sufrimentu òf peliger. (1 Kor. 15:30-32)
 - (2) Ta di balor pa biba un bida konsistente ku prinsipionan bíbliko (1 Kor. 15:33-34)

C Nos resurekshon.

❖ Ku ki kurpa nos lo wòrdu resusitá? (1 Korintionan 15:35-49)

- Pablo ta usa kuater analogia pa splika e diferensia entre nos kurpa aktual i e kurpa resusitá:
 - (1) Kurpanan di mata (1 Kor. 15:35-38): Un simia ta wòrdu sembrá; un grano ta wòrdu kosechá; Dios ta duna kada mata e kurpa ku E ke.
 - (2) Kurpanan físiko (1 Kor. 15:39): Kurpanan di hende; kurpanan di bestia; kurpanan di piská; kurpanan di parhanan.
 - (3) Kurpanan selestial (1 Korintionan 15:40-41): E gloria di solo; e gloria di luna; e gloria di e streanan; kada un, su gloria (briyo)
- Kiko ta e diferensia entre e kurpa aktual i esun resusitá? (1 Kor. 15:42-44)
 - (1) Kuerpo aktual: Korupto; deshonorabel; suak; bestia.
 - (2) Kurpa resusitá: Inkorupto; glorioso; poderoso; spiritual.
- Adam tabatin un kurpa terenal, e di dos Adam [Hesus] unu selestial. Den e resurekshon, nos kurpa lo wòrdu transformá den e semehansa di e kurpa di Kristu, esta, inkoruptibel, glorioso, poderoso, spiritual, selestial (1 Kor. 15:45-49).

❖ Ki tempu nos lo wòrdu resusitá? (1 Korintionan 15:50-58)

- Promé ku Pablo determiná e tempu di resurekshon i kiko lo pasa ku nos kurpa e tempu ei, el a deklará ku “karni i sanger no por heredá e reino di Dios” (1 Kor. 15:50). Esaki ta nifiká ku nos lo no tin un kurpa físiko despues di e resurekshon?
- E ekspreshon “karni i sanger” semper ta wòrdu usá komo un sinónimo pa “persona” (Mt. 16:17; Gal. 1:16; Efe. 6:12; Heb. 2:14). Pablo ta trahando un paralelo aki: habitantenan di Tera = korupshon; habitantenan di Shelu = inkorupshon. Aki nos tin un kurpa ku ta dekaí i, pues, nos no por hib’é Shelu.
- Na e Segundo Binida, e kurpa korupto lo wòrdu transformá den un kurpa inkoruptibel, meskos ku e kurpa ku kua Hesus a resusitá (1 Kor. 15:51-55; Luk. 24:36-40).
- Pa esnan ku ta drumi den Hesus, lo sinti komo si fuera solamente un instante a pasa. Un sekònde pasá nan a sinti e friu di morto, awor nan ta mirando Hesus biniendo kaba (1 Kor. 15:52).